



















Platina. Sertor et canabis ipsa  
ut limen, decorticata post indeciman  
fines ad infum praestat. Ex semine ca-  
nabis timso ribacea quoddam fiunt, quae  
et stomacho et capiti, ac denique membris  
omnibus plurimum noceat. Aitit canabin.

(2) Effa canabina. Cibarium canabin  
Idem de Samburo. Flores eius in cibis  
sumptis hepatis splentis, cardiacis  
atq; hydroicis prodest. Acinum iure quo  
et Crapilli cani tinguuntur potum ex aqua  
arundinis movet. Folia in vino pota  
serpentum ictibus resistunt. Aqua in qua  
folia macerata fuerint sparsa per domum  
putres necat. Decurio ten foliorum  
sparsa miseras necat

Hueme paleis, aestate frumentis OVA  
percomode seruantur

POMA item omnia percomode seruantur  
si pomaria in tabulatis posita, fenestras ab  
austro ad septentrionem reagentes habuerint.  
Substerni stementis et paleis debent, ne  
humore nimio qui ex contactu oritur foveantur.  
Aufstade muthack wird sichwind

W. S. M. V.  
1 5 9 8

74



3593

Platina

5869

6664

Cimex

Pulex

6732

Ad Somnum non mortales mutat quod tean  
 quilla, quod obfina, qd. feigida et Humida et  
 Hemo cimices plerumq. intertextebant quos hat  
 carone facillime tolles & Cimicidum augustinum  
 dedit in aquam, eamq. in lectum ret quo  
 moles infundis. Vel fel Babilum cum aceto  
 mixtum superfundis, nulli ne ferre. Fuga  
 bitur iten ex cubiculo pulex, si aquam ex  
 rariendo rariunguag fundas. 18  
 Meendoci hoc est. medicis dormire, nisi p.

01 SAMMELBAND von 19 meist deutschen, medizinischen Schriften des 16. Jh.  
 4. Kalbldrbd. d. Zt. auf Holz mit Schließen. (1 fehlt).

1. Regiment wie einer gesundes leben erhalten und lange leben mag. (in Versen). (Erfurt, G. Bowman), 1571. 4 Bll. — 2. RYFF, G. Zwölf kurtze Regeln nach ordnung d. 12 monath, deren man sich zu erhalt. d. Gesundheit nützlich brauchen mag. O. O. u. J. 4 Bll. — 3. BRUNDSCHWIG, H. Thesaurus pauperum, e. Haussapotheck. Frkft., Egen., (1539). 79 Bll. M. Holzschnittbord. u. Textholzschnitten von H. S. Beham(?). — 4. HUNDT, M. Ein nützl. Regiment wider etl. krankheit d. Brust und besond. wider den Husten, wider Podegrams, wider die krankheit d. Frantzosen. Frkf., Gölfferich, 1549. 36 Bll. — 5. Kurtzer Bericht v. d. hitzigen schweren Seuchen, so jetziger zeyt in Preußen regieren. O. O. 1557. 12 Bll. Mit schönem Titelholzschnitt. — 6. NOVENIANUS, PH. M. Von den bösen Bauchflüssen und Durchlauff ursprung, etc. Wittenb., Lufft, 1558. 27 Bll. (Mejer, p. 84). — 7. Wundarzney Joa. Charetani, Lanfranci, L. Friesen, etc. bericht d. Aderlässe. Frkft., Egen., o. J. 12 Bll. M. anatom. Titelholzschn. (Schluß fehlt). — 8. STROMER, H. Schutzrede und verteidigung des alters. Von Aurbach lat. beschrieben. Wittenb. (G. Rhaw), 1537. 13 Bll. — 9. KALW, UD. v. Ein kurtz regiment vor die pestilentz. (Leipzig, M. Landesspergk, 1507). 15 Bll., Mit großem Titelholzschn. — 10. GÖRLITZER, J. S. Ein kurtzer Unterricht, wie man sich zur Zeit d. Pestilentz bewaren und halten soll. (Wittenberg, J. Klug), 1540. 15 Bll. — 11. BRUNFELS, D. Von apotekischen Confectionen, Lattwegen, etc. Straßburg, Cammerlander, o. J. 16 Bll. Mit großem Titelholzschn., 3 ganzseitigen u. 3 kl. Holzschn. — 12. Auslegung und beschreybung der Anatomie, etc. Nürnberg, Guldenmundt, 1541. 12 Bll. Mit Textholzschn. Choulant-Frank 157. — 13. RULAND, N. New Aderlaß buch. Lauingen, Saltzer, 1566. 34 Bll. — 14. MEURER, W. De vera corroborandi ratione capita ad disputandum proposita. Lips., V. Papa, 1555. 9 Bll. — 15. FIDLER, F. Elegia de radice maloradio, etc. Frankfrt., Egen., 1550. 26 Bll. M. zahlr. Holzschn. — 17. SCULTETUS, B. Ein ewigwerend Prognosticon v. aller Witterung in d. Lufft, etc. Görlitz, Fritsch, 1572. 20 Bll. — 18. WEYS, NIC. Prognosticon astrologicum v. d. 1572. biss auff das 1598. jar. O. O. u. J. 8 Bll. Mit schönem Titelholzschn. — 19. WETTERBÜCHLIN. (Worms, B. Wagner, 1534). 8 Bll. Mit 2 kl. Titel- u. e. ganzseit. Holzschnitt.

Außerordentlich interessanter Sammelband von kostbaren größeren und kleineren Werken. Mit interessanten hs. Notizen auf den leeren weißen Blättern, einige Bll. leicht gebräunt, sonst schönes Exempl.

Dachstein

shelver under

3035

A I.



3035 3363 7302 3531 1048 14300 2271 3005  
 Platina. Scitrix et canabis ipsa  
 ut limum, decoratissima post immunditiam  
 fines ad infum praestat Ex semine ca-  
 nabis timso cibaria quoddam fiunt, q<sup>ue</sup>  
 et stomacho et capiti, ac deniq<sup>ue</sup> membris  
 omnib<sup>us</sup> plurimum ualent. Ait<sup>ur</sup> canabin<sup>um</sup>  
 (2) Effa canabina. Cibarium canabin<sup>um</sup>  
 Idem de Samburo. Flores eius in cibariis  
 sumptis hepatis splentis, cardiacis  
 et al<sup>ia</sup> habentibus.

v, 255. Osler 174. — Erstausgabe.

Siehe Tafel 36.

- 606 — Breviarium medicinae. Venedig, R. de Novimagio, 1479.  
 Fol. Goth. Type. 149 Bll., (ohne das erste weiße). Rubr. u. m. rot u. blau  
 gemalten Initialen. Orig.-Holzdeckelband m. blindgepresstem Lederbezug m.  
 Beschlägen. Schließen fehlen.  
 Hain\*-Cop. 14693. Brit. Mus. Cat. V, 225. Osler 174. Erstausgabe. Mit e. kolorierten Wp  
 Exlibris (barré d'or et de sable de deux pièces).
- 607 — De simplicibus medicinis opus. — Averroes. De eisdem liber. — Res  
 De eisdem opusculum, etc. Ed. O. Brunfels. Straßburg, Ulricher Alar  
 1531. Fol. Pappband.  
 Choulant, Handb., 372. Außerordentl. seltene Sammlung v. drei Traktat  
 über Arzneien. Schönes Exemplar.
- 608 SPACHIUS, J. Gynaeciorum, s. de mulierum tum communibus, tum gravidarum  
 rientium et puerperarum affectibus et morbis ll. graecor., arabum, latinor., etc.  
 quot extant, etc. Straßbg., Zetzner, 1597. Fol. Mit Druckerm. u. Text  
 schnitten. Lederband der Zeit.  
 Hirsch V. 474. Erste Ausgabe e. sehr reichhaltigen Sammlung der wichtigsten m.  
 Schriften von 19 berühmten Autoren.
- 609 TABERNAEMONTANUS, J. TH. New Kreuterbuch . . . darinn auff 3000 C<sup>on</sup>  
 beschrieben werden. 2 Bde. Frkft. 1588—91. Fol. M. einigen 1000 Pflanz  
 abbild. in Holzschn. Pergt.  
 Pritzel 9093. Schreiber, Kräuterb., p. 51. Erste Ausgabe. Etwas fleckig.
- 610 — — Dass, 3 Tle. in 2 Bdn. Gemehret durch C. Bauhinus. Frkft. 1625. M.  
 1000 Pflanzengabb. Kalkdruck d. 7t mit Ryz. Sauberes Exp.

U. IV. 74  
 Scholze Index 2035/8



Ad Somnum vox mortales imitat quod fecit  
quilla, quod offensa, qd. frigida et humida est  
Hinc Cimices plerumq. intertrebant quos habet  
ratione frathum tolles & Cimices non augmunt  
sed dicit in aquam, comit in bectran, et quo  
uoles infundis. Vel fel B. filum cum abeto  
mixtum superfundis, nulli uasore. Fuga  
bitur iton ex cubiculo pulcx, si aquam ex  
rociandico riciunguas fundas.

18 Meendoci hoc est meridia dormire nisi se  
dando tantisper dum fuerit aliquantulum  
crappent in salubre est & post hoc. Caput  
en debilitat, distillant per digere, pituita  
crecet, calor nutritualis, cor em pituita, seque  
animo, desidiop, <sup>uolunt</sup> materiam ac <sup>formam</sup> <sup>formam</sup> <sup>formam</sup>  
corpus effinitur

BUTYRUM

Platina. Butyrum solidum est & humidum, cor  
pora admodum interit et obstat. Eius tamen  
frequenti usu et stomachus laeditur et fomes  
tum phlogmatore ageritudini praeparatur

Quidam dicit Exeritatio corporis  
ad sanitatem plus prodesse p me  
dium & mellicinum  
Quid Castoreum Caniculis

Dubischlein 601  
shelre under 3035 A I. u



Ein

nebe

man sich

und balte

sch Infi

seman

obere

ma

Durch

den O

er

E

Der

Er

Q

Q

Q

Q

Q

Q

Q



*ma. Nunc praeferre comenda & sale, contra inuena  
tentem aereu nuncifre inuana.* 2871 (10)

# Ein kurze Unter

richt / Vnd Regiment / wie  
man sich / zur zeit der Pestilentz / bewaren  
vnd halten sol / auff das man nicht leicht-  
lich Inficirt / vnd vergiffet werde / Vnd wo  
jemand mit dieser erschrecklichen Plage  
vberleitet / vnd behaffet wird / wie  
man im widerumb durch Gottes  
hülffe helfen / vnd in er-  
retten sol.

Durch Johansen Sigismund

den Görlitzer / der Artzney Doctor /  
vnd Stadtartz zu Torgaw.

Ecclesiast. XXXVIII.

Der DLRX leset die Ertzney aus der  
Erden wachsen / Vnd ein Ver-  
nünfftiger verachtet sie  
nicht.

M. D. XXXX.

*Arcturi ex anno*

*Plauti anno hoc uti in obsequio ac odoratorum nunc id  
Mans ac nuncifre admovere domus hinc hinc hinc  
hinc hinc*



**L**age/sic  
erit v  
ons n  
unden v  
das diese  
ms auch  
Die wei  
rsacht v  
orn/w  
hen stad  
oben D  
el mir n  
en radt  
ge Bot  
an ich e  
blecht/  
amen  
und  
diesem  
der pla  
wo si  
ngen e



## Vorrhede.



**I**e weil der ewige

barmhertzige gütige Gott vns  
sere nachbarn / mit der erschreckliche / vnd grausame  
plage/der Pestilentz hin vnd  
her heimsucht/vnd auch diese

plage/sich nu weiter /mehr vnd mehr/ausbreitet vnd vmb sich greiffet/Also auch das sie vns nu so nahe komen ist/das wir alle stunden vñ augenblick vns besorgen müssen/das diese grausame vnd schreckliche plage/vns auch angreifen vnd vberfallen werde. Die weil ich nu solchs sehe/ werde ich vrsacht von wegen meins ampts/ einem Erzbarn/wolweisen Radt/Dieser Chürfürstlichen stadt Torgaw / meinen großgünstigen lieben Herrn/vnd irer gantzen gemein /so viel mir möglich /inen in solchen nöten meinen radt vnd hulffe/So viel mir der almechtige Gott verlihen hat/mit zu teilen. Derwegen ich ein kurtzen vnterricht vnd ordnung schlecht/vñ auffss einfeltigst aus der Ertzney zusammen getragen habe/daraus beide gesunde/ vnd francke lernen können / wie sie sich in diesem fal halten sollen /auff das sie vor dieser plage mit Gottes hulff behalten / Da der wo sie damit behafft gnediglich danon mugen erlöset werden. Vnd bitte freündlich



das iederman solche meine treuliche vnterrich-  
tung vnd wolmeinung gülich/vnd zu danc  
anneimen wolle.

*Canio peritilens*

*172  
B. 17*

Zumersten sol ein ieglicher in der zeit  
vnd vor allen dingen weil er noch frisch vnd  
gesundt ist/ zu Gott dem almechtigen / wel-  
cher der aller beste artzt ist / von welchem  
auch aller trost vnd artzney kömet/ seine zu-  
flucht haben/ in mit gantzem ernst vnd aller  
andacht bittē/ das er vmb seines lieben sons  
vnseres DERRN Ihesu Christi willē/ vns vn-  
sere sund vnd missethat/ damit wir seine Göt-  
liche Maiestat manigfeltiglich erzürnet ha-  
ben/ gnediglich verzeihen wolte / vnd vns  
nicht in seinem zorn vnd grint / wie wirs den  
leider wol verdienet habē / mit dieser grausam-  
en plage straffen. Sondern das er vmb  
Christus willen/vmb welchs willen/er vns  
erhörung versprochen hat/ vns wolle gnedig  
vnd barmhertzig sein / vnd vns nach seiner  
milden güte von oben herab mit seinem Hei-  
ligen Geist also sterckē/auff das wir vnser le-  
ben künden bessern/vnd von sunden ablassen  
vnd das er vns endlich auch also von dieser  
erschrecklichē plage gnediglich erlösen wol-  
te.

Darnach gehe man zum Priester  
vnd hole auch einen trost bey im/als die ab-  
solution/ vñ neme darnach das Sacrament.  
Wo wir nu also vns in der zeit zu Gott wend-  
en vnd Buße thun werden / wil ich nicht

3x eiffeln

zweifeln / Gott wirt vns gnedig sein / vñ sei-  
nen Göttlichen segn dazu gebē / das alle vn-  
ser ertzneyen glücklich von staten gehe. Da-  
rumb lasse im ein iglicher solche Lere als die  
nötigest mit vleis in diesem fall befolen sein.

Zum andern wil ich den jenigen / so frey  
ledig vnd los sindt / das sie bey zeit fliehen/  
vnd langsam wider komen / treulich geraten  
haben / Denn dis ist die sicherste ertzney / die  
ich weis für diese erschreckliche plage. Denn  
weit dauon (sagt man) ist gut vor den schus.  
Die andern aber die nu armuts halben nicht  
fliehen können / oder die sunst irs ampts hal-  
ben bleyben müssen / die sollen sich nu derma-  
ssen wie itzund volgen wird halten / vnd ja  
der ersten leer eingedenck sein / so wil ich nicht  
zweifeln / solch regiment werde bey vns vie-  
len nutz vnd frummen schaffen. Vnd ehe  
wir zur sachen greiffen / wil ich solch tractet  
leyt in zwey teil fassen. Im ersten teil leren/  
wie sich die gesunden halten sollen / auff  
das sie nicht leichtlich mit der plage vberfal-  
len werden. Im andern teil aber wol-  
len wir leren / wie im die jenigen thun vñ sich  
halten sollen / die mit dieser plage  
schon vberellet vnd verhasstet

sind.

2 14

Das

De Fuga

Transfugio ad

propositio  
distributio



Historis

mane  
tpe meridies  
Vesper

was folget davon.  
Kauten  
Wermut  
maioran.  
as Quendell  
Olandwurtzel  
Lini Rosmarin

Reuchpulver

Zum ersten Sol ein jglicher gesunder mensch dohin trachten so viel im m<sup>g</sup>lich / das seine w<sup>o</sup>nung vom gestanck rein vnd sauber gehalten werde / vnd sey an einem saubern ort / nicht bey einer Cloacken / oder do viel mist liget / oder sonst ein böser gestanck ist. Derhalben sol ein jeder haus vater des morgens / zum mittage / vnd auff den abent in seinem hause wol reuchern lassen die lufft also zuendern vnd rectificiren. Die armen aber / die nichts anders haben / mögen solches ausrichten mit Wachalder beren / Kauten / Wermut / Maioran / Quendel / Olandwurtzel / Rosmarin / dieser stücke etlicher mögen sie nemen / vnd grob puluern / vnd des puluers als ein haselnus gros auff ein kol feur legen / vnd damit reuchern. Sunst hab ich auch vor die armen ein seer gut reuch puluer in die Apoteck verordnet / welches sie vmb einen leichten pfennig bekommen könnē / nemlich. ij. lot vmb ein groschen / damit haben sie ein lange weil zu reuchern wils haben wil der frage in der apotecken nach dem reuch puluer vor die armen / so wirts im gelassen werden.

Vor die andern aber die etwas besser vermögens findt hab ich auch ein sonderlich reuch puluer vnd gute Trochiscos damit man

man reuchert verordnet / wer der selben ha-  
ben wil / der zeige in der Apotecken an / das  
er des rauchs puluers / so für die reichen ver-  
ordnet ist / gerne haben wolt / so wird mans  
im auch zukomen lassen / ein lot vmb. ij. gro.  
vnd. iij. pfen. Vnd also were es auch ein nö-  
tig vnd nützlich ding / das man mit solchen  
angezeigten dingen in der Kirchen / auff  
dem Rathhaus / Trinckstuben / vnd wo das  
Volck pfleget zusamen zu komen / reucherte/  
auff das durch solchen Rauch / die Luft ge-  
endert vnd gereiniget würde.

*in dem 10. B.*  
*11. B.*

Also sol auch ein jeder Hausvater die  
Luft in seinem gantzen hause rein halten /  
vnd die fenster in seinen gemachen des nach-  
tes veste zu halten / vnd zu zeiten / wenn ein  
schöner heimlicher tag einfellet / so sol man  
wenn nu die Sonne wol herauff komen ist /  
die kamer fenster auff thun / sonderlich die /  
so gegem auffgang der Sonnen / oder gegen  
mitternacht gehen / das also die Sonne / die  
Luft / des gemachs reinige. Auff den abend  
aber / ehe die Sonne zu rust gehet / sol man  
die fenster zeitlich wider zu machen vnd ver-  
schliessen / vnd wider auff ein newes / wie  
zuuor in den gemachen reuchern lassen.

*Fenster*

*grauo*

*grauo*  
*grauo*

Auch sol man sich innehalten / so viel  
es möglich sein wil / vnd die gemeinschafft  
der Leute meiden / als da ist in badstuben /  
trinckstuben

*Badstube*

*Trinckstube*

*Trinckstube*

*Trinckstube*

*Trinckstube*



trinckstuben / Kirchen &c. Denn offtmals  
ein böser Bube verhanden / vnd vergiffet  
ist / vnd im auch schon etwas auffgefahren /  
gehet gleichwol frey vmbher zu jedermienig-  
lich / vnd vergiffet viel fromer Leute / Wo  
ein solcher befunden würde / solt billich vn-  
gestraffet nicht bleiben / damit andere abge-  
schreckt würden / sich dermassen nicht zuer-  
zeigen / Ich wil auch hiemit die jenigen / so  
Gott der allmechtige mit der plage heimge-  
sucht / vnd sie auch widerumb gnediglich  
dauon erlöset hat / freündtlich gebeten ha-  
ben / das sie / nach dem sie wider frisch wor-  
den sind / innerhalb viertzeihen tagen nicht  
wollen vnter die Leute gehen / vnd sich inne  
halten. Vnd auff das nu die selbigen Leu-  
te solches auch thun können / wil einem Er-  
barn Rade gepüren / der gantzen Gemein  
zu gute / auff solche Leute ein einsehen zuha-  
ben / das sie on essen / trincken / vnd wartung  
dierweil auch nicht mangel leiden .

Wenn jemand des morgens früe aus  
dem hause gehen wil / sol er nicht nüchtern  
sein / sondern zuuor ein biersuppe fett mit  
butter gemacht / oder ettelche bißsen brods  
mit frischer butter gegessen haben / odder  
sonst etwas von ertzney / die für die giff die-  
net / zu sich genomen haben / wie ich dar-  
nach weiter anzeigen wil / auch istis gut / das  
man in die nasenlöcher vnd inwendig am  
gumen

gumen einen guten Thiriack streiche ehe  
man aus dem hause gehe. Die armen aber  
mögen/ dieweil in irem munde fewen/bibe-  
nell/ lorber/ erwerwurtz/ angelica/ wachal-  
terbeer/ zitwer. Auch solten jnen die reichen  
Leute lassen gute/ wolriechende Poma Ama-  
brae zurichten/ vnd die selbigen stets bey sich  
tragen / vnd daran riechen. Wenn sie aber  
essen wollen / so sollen sie die selbigen eine  
zeit lang von sich weg legen. Wo sie jemand  
haben wil/ wird sie in der Appotecken auff  
fleissigest zugericht auch bekommen. Auch  
were es gut/ das jederman ein löcherichten  
apffel von Wachalter holtz gemacht hette/  
darin ein schwemlin / das sey in rauten safft  
vnd Rosen essig gleich vermendet / einge-  
tunct/ vnd stetiglich daran gerochen.

Ich wil auch alhie meinen günstigen  
Herrn/ vnserm lieben herrn dem Pfarhern  
vnd den Capplanen/ diesen meinen rath an-  
gezeigt haben/ wo sie zu den Francken in die-  
sem fall gehen müssen / das sie zunor hin zu  
dem Francken schicken vnd im ansagen las-  
sen/ das man zunor in dem gemache / darin  
der Francke liget renchere / vnd rauch kertze-  
lin anzünde/ vnd sol der herr Caplan im zu-  
vor haben lassen machen / ein grosses vnd  
dickes zusamen geflochten Wachsliecht /  
welches/ wenn er in des Francken haus ko-  
men ist/ zunor sol anzünden vnd wol erbren-  
nen lassen

lorber

wachalter

apffel  
wachalter  
quart

Ger Casla  
von er hilt  
zu der kint

Ad ewo: A  
igil ropan  
fili & y  
dato sine

prim



N  
VORSTAN

mündlich  
990

nen lassen / vnd sol solches stets für seinem  
munde halten / vnd sol sich nicht für den  
francken / sondern irgendt im zum heupt/  
oder auff die seitten setzen / Auch solten sie  
stets in irem munde haben / der eddelen  
mundtuchlin / die ich in der Appoteken zu  
machen verordnet habe / denn sie warlich in  
dem fall grossen lobes werd sind.

Magistrate  
Com X

Präsident  
Barth

Auch wil ich alhie jedermeniglich vmb  
Gottes willen gebeten haben / das niemand  
auff die gassen seinen harm vnd vnflat / wie  
bisher geschehen / giessen oder tragen lassen  
wolle. Denn ein Mensch der vergiftet ist/  
vnd solchen seinen harm auff die freien stra-  
ssen heraus geussset / der kan einen Menschen  
oder zwentzig / oder mehr vergiften / vnd an  
inen ein Mörder werden / vnd solche Leute/  
die solches mutwilliglich thun / die sollen  
wissen / das sie eben so hoch sündigen als die  
jenigin / so die Leute auff der strassen mit gu-  
tem fürsatz umbbringen. Vnd ich bitte auch  
alhie freundlich / das die Oberkeit wolte ein-  
sehen haben / das solchem vnrat möchte  
gewehret werden / Vnd man zeige also in  
solcher zeit den Leuten / vor der Stad einen  
ort an / da sie iren harm hin tragen mögen.  
Alhie wil ich auch alle Wundertzte vnd Ba-  
der freundlich gebeten haben / das sie kein  
gelassen blut von den Leuten / auff die gasse  
giessen wollen / Sondern solchs alles auch  
an den

an den ort da hin schlecken / den ein Erbar  
Radt dazu verordnen wird.

Ein jglicher dem sein leben vnd gesund-  
heit lieb ist / der sol auch so balde er mercket /  
das die erschreckliche plage einfellet / mit  
radt eines gelerten Artztes seinem Leib mit  
purgation / aderlassen / vnd getrencken reini-  
gen lassen. Denn so der Leib von böser  
feuchtigkeit / Putrefaction / rein vnd sauber  
ist / so mag das Pestilenzische fieber nicht  
leichtlich einen angreifen / Denn ein feur  
wird nicht leichtlich etwas anzünden / es sey  
denn dasjenige / das es begreiffet dazu ge-  
schickt vnd tüchtig / Begreiffet es ein holtz  
das wol dürr ist / so zündet es von stunden  
an / ist aber ein seer grün / vnd nasses holtz /  
so wird es so leichtlich nicht anzündt / es ge-  
schehe denn mit seer guter weile. Also ge-  
hets auch mit vnsern Cörpern zu / wenn der  
Leib von allen vberflüssigkeiten / vnd bösen  
feuchtigkeiten gantz rein ist / so kan das Pe-  
stilenzische fieber im so balde nicht schaden /  
vnd in angreifen. Aber wo der Leib vnrein  
ist / vnd vol böses geblüts / so fehlet er balde  
wie ein zunder / vnd dürres holtz / vnd wird  
vergiftet / Vnd das ist auch die ursache / das  
etliche zu der zeit der Pestilenz balde dahin  
sterben / vnd etliche frisch vnd gesund blei-  
ben.

Darnach sol sich ein jeder mit der speise

W ij

also

*Pestis pro fo-  
ribus quati-  
est quid fo-  
mentum*

*Causa im-  
quata typ-  
pestis ma-  
lignae*



*Panis*

*Care*

*infus*

*Acetum*

*Car d. panis in tando*

also halten / wie kurtzlich folget. Das brod  
sey von reinem vnd gutem Korn / wol geba-  
cken / vnd zimlich gesewrt / vnd ein wenig  
gesaltzen / vnd zweier tage alt / vor seer alt  
backem vnd warmen brod / hute man sich.  
Vom fleische wird in diesem fall zugelassen /  
alle kleine waltudögelin / als Krametudögel /  
Droschel / Amscheln / Vincten / Lerchen /  
vnd wie sie genennet mögen werden / Des-  
gleichen Rebhüner / Haselhüner zc. Von  
vierfüßigen thieren / junge Kitzlin / Kalb-  
fleisch / jung Lammfleisch / fleisch von einem  
geschnitten Stier / jung wilpert / jung hasen  
fleisch / vnd Hirschen wilpert. Also auch  
jungehünerlin / Dennen / Rappann zc.  
frische vnd weiche gesotten hüner eyr. Aller-  
ley fleischsupplin / vnd sonderlich von jungen  
hünern. Von vischen / So man ja lust dar-  
zu hat / so habe man acht darauff / das sie in  
guten / frischen / vnd reinen wassern gefan-  
gen sind / vnd die schuppen haben / Als da  
sind Barmen / Kressen / Wechtlin / Pers-  
sen zc. Vnd solche vische sollen in Wein vnd  
essig gesoten sein / Vor kalten vischen hütet  
euch / vnd was da schleimige vische sind /  
als Ele / Schleien / Steinbeissen / Drup-  
pen / Nennungen / Halbfisch / vnd der glei-  
chen sol man meiden. Essig wird zu dieser  
zeit seer gelobet / darumb ist gut / das allezeit  
bey der speiße Essig sey. Milch sol man mei-  
den / desgleichen allerley Obst / ausgenom-  
men

*Leysung*

men/ haselnüßs/ welschnüßs/ feigen/ man-  
deln/ limonien/ pomerantzten/ cappern 2c.  
Der tranck sey ein frisch/ gut vnd wol vers-  
goren bier/ odder ein roter wolriechender  
Wein/ oder sonst ein leichter wein/ Vnd  
hierin sol man zu sehen/ das man weder mit  
essen/ noch trincken sich vberlade/ vñ vberfül-  
le/ Auch were es gut/ das ein jedes im hause  
alleine trüncke/ ob ja eines vergiffet würde/  
das es die andern von im/ auch nicht also  
vberkömen. Die trinckgeschir aber/ die aus  
wachalterholtz/ oder eschenholtz gemacht  
sind/ werden in diesem fall seer gelobet.

Was nu den Schlassf belanget/ da sol  
man auch masse ine halten/ vor dem mittags-  
ge schlaffen hüte man sich/ es were denn/  
das sein jemand also gewonet were. Also sol  
man auch inhalten/ was das werck der Lie-  
be betrifft. Auch ist dis der neheste radt/ das  
ein iglicher/ der in sterbens nöten bleiben  
mus/ so viel es im möglich/ einen frölichen  
mut fassen/ nicht trawore/ sich nicht greme/  
oder fürchte/ Hüte sich auch desgleichen  
für zorn/ vnd andern des gemütes affecten.  
Alhie mus ich auch etwas sagen/ was die  
leibs vbung/ vnd ruhe betrifft/ Gleich wie  
alle grosse/ schwere erbeit/ vnd vbunge des  
leibs/ zur zeit der Pestilenz verboten wird/  
derhalben/ das der Leib dadurch bemühet/  
geschwecht/ vnd entzündet wird. Also

B ij

wird

*was ist ein  
Leysung  
feigen  
2c*

*Nota von  
Sanct  
alios*

*Sommit*

*Affectus animi*

*in*

*Exercitatio*



wird auch vberflüssige ruhe / vñ müßiggang  
nicht gelobet / denn dadurch der Leib mit  
vielen vberflüssigen feuchtigkeiten vberladen  
vnd die natürliche werme geschwecht wird /  
Derhalben ist nutz vnd gut / das man sich  
zur zeit vor dem essen bewege / etwas fürhas  
be / oder kurtzweil treiben / auff das die na  
türliche werme erwecket werde / vnd die  
vberflüssigkeiten / die sich bey vns versamlet  
haben / also dadurch verzehret werden .  
Nach dem essen aber / da sol man sich stille  
halten / vnd ja nicht hefftig bewegen / denn  
daraus grosser vnrat entsteht .

*medicina pra  
seculorum*

*pillulae pesti  
lentiales*

Nu folget von den ertzneyen / die den  
Menschen für dieser grausamen plage bewas  
ren / Es sol keiner ( wie zuvor auch gemelt  
det ) aus seinem hause gehen / er habe denn  
zuvor etwas von ertzney / die für die böse lufft  
vnd gift dienet / zu sich genommen. Vnd der  
halben ist es gut vnd geraten / das ein jeder  
in der wochen zwey mal nüchtern gebrauche  
der pillulen Pestilentialium ein quintlin / od  
der ein halbs quint. darnach es jm gefellet.  
Junge Leute mögen jr siebene / mehr oder  
weniger gebrauchen / Vnd wer sie haben  
wil / der gehe in die Apotreck vnd sage / wie  
das er gerne der Pestilentz pillichen haben  
wolte / so wird man sie jm ein quintlin vñ  
sechs pfen. geben. Weiter habe ich ein seer  
köstlich / vnd bewerd puluer für die erschreck  
lichen

lichen plage verordnet / des selbigen ein halb  
quintlin in ampffer wasser ein zunemen. So  
jemand dasselbige begert / der frage in der  
Apotecken nach dem puluer mit dem A ver-  
zeichnet / so wird es im werden / ein halb lot  
vmb sechs pfen. Desgleichen habe ich auch  
eine köstliche Latwerge / seer krefftig widder  
diese seuche verordnet / vnd thue das derhal-  
ben / das man alle tage etwas sonderliches  
zu gebrauchen habe / Denn man sol nicht  
stets einerley ertzney gebrauchen / denn die  
natur gewohnet jr / vnd nimpt sie darnach  
nicht mehr an wie ein ertzney / sondern als  
eine speise. Darumb neme man einen tage  
der Pestilentz billichen / den andern tage des  
puluers / mit dem A verzeichnet / mit am-  
pffer wasser / den dritten tage der Latwers  
gen / ein quintlin mit rosenwasser eingenom-  
men / Den vierden tage vnsers Tiriacks ein  
quintlin / oder sonst einen guten / Venedi-  
schen Tiriacks ein scrüpel / oderein halb quint  
lin / in gutem wein eingenomen / alhie aber  
solu mercken / das man den Tiriack den  
jungen kindern nicht eingeben sol / Den  
fünfften tage / ein quintlin gepuluert tormen-  
til in ampffer wasser zertrieben eingenomen /  
Am sechsten tage / neme er der edlen Latwer-  
gen / die man nennet Diacrocum / ein scrü-  
pel / mache kleine pillichen daraus / vnd ver-  
schlinge sie. Zu zeiten mögen sie auch von eis-  
nem guten metridat / ein scrüpel oder ein hal-  
bes

*Latwerge*

RE

GV

CA

obscuria

cicco m

officin

*Tiriack  
quintlin*

*Tormen-  
til*

*metridat*



*Latwerge  
für die armen*

des quintlin nemen / in gutem wein zertrie-  
ben/ Auch habe ich für die armen / ein seer  
köstliche Latwergen verordnet / die sie vmb  
einen zimlichen pfennig bekommen können/  
als ein lot solcher Latwergen / mögen  
sie zu zeiten/ als einer Kastanien gros einne-  
men/ Also sol man ( wie itzund gehort ) die  
ertzney stets auswechseln / das man nicht  
jmerdar einerley gebrauchte.

*Dieta  
paupe  
ordo*

*1  
2  
3  
4  
5  
6  
7  
8  
9  
10*

*puluer  
paupe  
in wasser  
trinken*

*By grobe  
Purgier*

Der arme gemeine Man aber/ der theur  
ding gar nicht zu küssen vermag / neme zu  
zeiten ein eingemachte/ oder vneingemachte  
Bibenell / zu zeiten Lorbern/ Wachalter-  
beer/ Cardobenedicten/ Tormentil / Saur-  
ampfer/ Angelica/ Encian/ Diptam/ Lib-  
stöckel / Plantwurtzel / Baldrianwurtz /  
Natterwurtzel / Osterlucienwurtzel / Kana-  
ten/ Ehnpreis zc. Solche ding mage er zu  
puluer machen / vnd Zucker darunter müs-  
schen/ vnd desselben ein quintlin im ampffer  
wasser einnehmen. Oder koche solche ding  
im wasser vnd trincke dauon. Auch wil ich  
hieden gemeinen Man/ ein grobe Ertzney  
leren / welche seer gut vnd nützlich ist. Sie  
sollen auff den abend etliche wachalter beer  
essen / vnd darnach auff den morgen / iren  
harm fahen/ also/ Sie sollen allein den müs-  
telschus nemen / den selben trincken / vnd  
darauff etliche stunden fasten. Auch sollen  
sie zu zeiten ein kern aus einer welschen nuss  
nemen/

*Platin*

nemen / vnd zehen Ranten bletter / ein feige /  
vnd ein wenig saltz / meng es wol durchein-  
ander / brauch es / vnd faste eine stunde oder  
drey darauff / dis ist auch ein seer gute ertz-  
ney für gift. Dieses sey genugsam gesagt  
vom ersten teil / wie man sich mit ertzney vnd  
einer rechtschaffenen diet halten sol / auff  
das man nicht leichtlich möge von dieser  
seuche vberfallen werden. Folget weiter /  
wie die jenigen thun sollen / die bereit franck  
worden sind / vnd wie jnen zu helfen stehet.

## Das Ander Teil.

So nu ein Mensch vergiftet ist / welchs  
man dabey erkennet / So einer eine lassigkeit  
vnd mattigkeit aller seiner glieder befindet /  
des gleichen / wo einem plötzliche ein schawr  
oder hitze ankumpt / oder ein vngewöhnlich  
heuptwehe / oder ein vngewöhnlich brechen /  
oder ein plötzlicher schlaff / eine traurigkeit /  
oder schwermütigkeit / grosse mattigkeit / der  
harm gelblich / auff trüb geneiget / wiewol  
ich lieber wil vnd radte / man sey in diesem  
fall / mit dem harm zu frieden / denn es begit-  
bet sich offemals / das der harm rechtschaf-  
ffen / vnd gut erscheinet / der Mensch aber /  
des er ist / der ist tod franck / vnd stirbet in  
wenig stunden dahin. Weiter / wo einem  
Plattern / heulen / oder sonst flecken auffge-  
faren



faren sind. Wenn solche zeichen erscheinen/  
soltu von stunden an dem franken ein ader  
lassen schlagen/ vnd sie zimlich wol gehen  
lassen/ Kurtz darnach gibe im ein/ das in  
schwitzend mache/ vnd die giff vñ vom her-  
tzen treibe/ vnd sol derhalben balde in die  
Apotecken schicken/ vñ anzeigen lassen/  
wie man gerne etwas haben wolte/ das den  
schweis antriebe/ So wird im der Apotes-  
cker ein trüncklin/ wie wirs denn verordnet  
haben/ zurichten/ das dem Franken (on  
zweiffel) seer förderlich sein wird. Item/  
es mag im auch einer in der Apotecken dis  
trüncklin lassen zurichtē/ R. diacrocī scrupu-  
los duos et semis pulueris nostriciū A. scrus-  
pulos ij. Teriacis optime scrupulum j. Dis-  
soluantur in aqua cardui benedicti et aceto-  
sae ana vñciam misce/ fiat haustus. Solchs  
trincke aus/ vñ schwitze darauß. Oder  
nim der Angelica wurtzel wasser zwey lot/  
guten Triacks j. quintlin/ gepulvert angeli-  
ca wurtzel ein halb quintlin/ gutes effigs ij.  
quintlin/ meng es wol vñternander/ gibe es  
dem Franken zu trincken/ vñ lasse in wol  
darauß schwitzen. Oder thue im also. Nim  
ein zwiffel/ schneide die köpffe herab/ vñ lere  
sie aus/ darnach fülle darein anderthalbes  
quint. guten Triacks/ thue die köpffe wi-  
der darauß/ vñ umbbinde die zwiffel mit  
einem nassen wercke/ vñ setze sie in heisse  
aschen/ lasse sie braten/ vñ wen sie nu wol  
welch

weich worden ist / so schele die eusserste hand  
herab / vnd thue die zwiffel in einen reinen  
mörser / vnd geusse darauff guten / scharffen  
wein essig / bey iij. oder v. löffel vol / der wol  
warm sey / zu treibe es alles wol mit einan-  
der / darnach seihe es durch ein rein tüchlin /  
trincts rein aus / vnd schwitze darauff / iij.  
oder iij. stunden / so wird jm ( wil Gott ) was  
werden . Vnter diesen magestu nemen / wel-  
che du wilt / Denn sie sind sonderlich alle  
gut .

Vnd wenn nu der francke solche scha-  
weistrünclein zu sich genomen hat / so lege  
er sich in ein new gewaschen bette / vnd lasse  
sich warm zudecken / vnd schwitze gantz wol  
iij. oder iij. stunde / als lange ers vermag vnd  
ertragen kan / weiter lege jm einen warmen  
ziegel / so warm er es erleiden kan zum füssen.  
Der ziegel sol zuvor in ein nass tüchlin ge-  
wickelt sein / vñ der francke sol die füsse stets  
daran halten / auff das die hitze des ziegels /  
die giffte hinab vom hertzen ziehe . Die sol  
man mit allem viels zu sehen / das man den  
francken ja nicht lasse schlaffen / auff das  
nicht die giffte wider hinein zum hertzen zu-  
trette / vnd der francke sterbe . So sichs aber  
begebe / das der francke das schweistrünc-  
lein widder von sich breche / so sol man es jm  
zum andern mal wider eingeben / brichet ers  
abermal von sich / so gebe man es jm zum  
dritten mal auch wider ein / wo er es als den  
C ij wider



wider von sich gibet / so lasse mans bleiben /  
vnd Gott walten / denn das ist ein gewisses  
zeichen / das die gift das hertze vberweldiget  
habe. Auch ist gut / das man ein schnitten  
brods röste / sie mit negelin bestrewe / vnd in  
essig tüncke / vnd dem Francken / nach dem  
er das schweistrüncklin zu sich genommen hat  
für den mund halte / ob solchs deste ehe bey  
im bleiben wolte. Man sol auch mit allem  
vleis zu sehen / das der Francke ja nicht er-  
kalte / vnd die gift widerumb hinein schla-  
he / zum hertzen zu / vnd das letzte / erger  
werde / denn das erste. Vnd wo der Francke  
vnter dem schwitzen schwach würde / so sol  
man in on vnterlas mit sterckung / als da  
sind / manus Christi cum perlis / conserve  
rosarum / violarum / boraginis / vnd buglos-  
se laben. Auswendig aber / sol man hertz  
wasser / wie ich darnach auch weiter sagen  
wil / auflegen.

Nu wil ich weiter leren / wie man sich  
mit dem aderlassen halten sol / denn daran  
viel gelegen ist / das man wisse / welche ader  
man in solchen fellen schlagen sol. Denn  
wo man es vbersihet / vnd eine ader dafür  
schlehet / so kan es leichtlich geschehen / das  
es besser were / das man mit dem aderlassen  
gantz vnd gar zufriede gewesen were. Auff  
das nu hierinne kein irthumb geschehe / so  
wil ich solches auffs kurtzte auch anzeigen.

Wenn

Wenn dem Menschen eine beule / oder  
flecken / oder blatter am halse / oder hinder  
den ohren / oder am kinne auffgefaren ist /  
so schlahe man im die Hauptader am eins  
bogen / eben auff der seiten / do der beule ist  
auffgeschossen / oder schlahe im die ader / die  
da ist zwischen dem Daumen vnd zeigē fin-  
ger / vnd man sehe gar eben zu / das man  
nicht eine ader öffne / auff der andern seiten  
dagegen vber / da der beule nicht ist. Denn  
wo dis geschehe / so würde man den beule  
wider zurücke wider hinein ziehen / vnd die  
giffte gantz vnd gar zum hertzen zu weisen /  
das darnach der Francke also gewis des to-  
des sein müßte / darumb sehe man wol zu /  
wenn man lassen wil / Denn mit aderlassen  
( wie etliche nerrische Lente vermeinen ) ni-  
cht zu schertzen ist .

Wo aber der beule vnter dem rechten ar-  
me were auffgefaren / so schlahe im die Le-  
ber ader am rechten arme / oder die ader / die  
zwischen dem kleinisten / vnd Ringfinger  
liget .

So aber einem etwas auffgefaren  
were / vnter dem lincken arme / so lasse im  
die Leber ader am lincken arme / oder die / so  
zwischen dem kleinisten / vnd Ringfinger li-  
get .

Wo aber ein beule bey dem Gemechte  
oder darumb auffgeschossen were / so schla-

C iij he im



he jm die Frawen ader / an der selbigen seiten / oder die / welche zwischen der grossen zehen vnd jr zu nehest liget .

Ist aber etwas auffgefahren auswendig an der hüfte / so lasse man jm die sciatica / auff der selbigen seiten / oder schlahe die / so da liget zwischen der kleinsten zehen / vnd jr zu nehest .

Wo aber zur zeit der Pestilentz jemand lassen wil / der noch frisch vnd gesund ist / dem noch nichts wehe thut / dem auch nichts auffgefahren ist / Dem lasse man die Median am rechten arm .

Were es aber sache / das jemand seine ader nicht gehen wolte / oder so man sie im sonst nicht finden köndte / oder so sonst der Mensch vngeschickt / oder zu jung were / so thu man im also / ist der beule hinder den ohren / so setze man im köpffe auff den nacken / j. oder ij. darnach der Mensch starck ist . Ist aber vnter den armē auffgefare / so setze man köpffe auff die schultern . Ist am beine / so setze man im köpffe auff die knie / des selbigen beins . Vnd mercke / das man sie allezeit haben sol / vnd sie wol gehen lassen .

Was aber junge Leute sind / vnter vier zehen jaren / oder alte Leute vber siebentzig jaren / denen sol man nicht lassen . Item / schwangeren

schwangeren Weibern / sol man on radt eines  
verstendigen Artztes nicht lassen. Also auch/  
wenn der Francke seer fast schwach were / so  
sol man auch solches mit radt eines gelerten  
Artztes thun / auff das also niemand sch/  
endlich verwarloset werde.

Vnd wenn nu der Mensch also zu der  
aber gelassen / vnd wie oben angezeigt / ge/  
schwitzt hat / so sol man das jenige / darin  
der Francke geschwitzt hat / gar hinweg  
thun / vnd dem Francken ein newes bette be/  
reiten / vnd in inwendig / vnd auswendig  
stercken. Inwendig mit Liberantis / Leti-  
cia Galeni / Manus Christi cum perlis / mit  
Conseruis violarum / rosarum / boraginis /  
buglosse rc. Auswendig aber / mit hertz/  
wasser / das wir nennen Epitemata cordis.  
Solch hertzwasser / sol man mit einem Sch/  
arlach / oder Zindel für die reichen / oder mit  
einem leinen tüchlein / wo man arm ist / das  
darein genetzt sey / vnd zuuor zwischen der  
hand gehalten / bis es ein wenig lauwelich  
worden sey / vnd darnach also auffs hertze  
geleget / sonderlich vber die Lincke brust / vnd  
wenn es trucken worden ist / so sol man es  
wider eintuncken / vnd man sol dis also etli-  
che mal vernewern. Solches wasser / wo  
es jemand haben wil / der wird es in der A-  
potecken auffs vleissigest zugericht bekommen.  
Man sol auch den Francken nach dem schwi-  
tzen /



tsen/ mit guter vnd leichtdewiger speise wid-  
der erquicken/ als da sind hünersüplin/ wei-  
che gesotten eyr/ ein gestossens von einem  
jungen hun/ vnd der gleichen. Vnd wens  
vber xviij. stunden kompt / so er seer made  
ist / mag man in ein wenig lassen ruhen /  
denn wo sich einer des schlaffens xxiij. stun-  
den lang / wo es im möglich were enthal-  
ten köndte / were soniel deste sicherer. Aber  
man mus hierin/ wie in andern fellen / auff  
des Menschen alter / complexion / vnd ver-  
mögen auch achtung geben. Auch sol man  
anffachtung haben / das der francke nicht  
hartleibig sey / wo solches geschehe / so sol  
man im mit suppositorijs / Chysurn / vnd  
andern stücken/ zu hülffe komen.

Weiter sol man anffachtung haben /  
mit allem vleis / wenn einem Menschen eine  
beule anffgesaren ist / das man der natur zu  
hülffe kome/ vnd die giftt jemehr vnd mehr  
herzu ziehe / auff das der beule grösser wer-  
de/ vnd das gelid das vergiffet ist/ dardurch  
lösung vberkome / vnd man sol hierinne bey  
leibe den alten/ vnd herrischen weibern nicht  
volgen / die da heissen frösche / vnd derglei-  
chen andere ding/ die repercutirn / vnd wid-  
der zu rücke hinein treiben/ auffbinden / vnd  
bringen also denn die Leute mutwillig umb  
ir leben/ vnd meinen doch / sie habens wol  
getroffen / sondern also sol man im thun /  
Nim ein

Nim ein hun / oder henne / oder einen han /  
oder eine Taube / was du gehalten kanst /  
beropffe sie vmb den hindern / vnd reibe sie  
ein wenig mit saltze / halte sie also auff die  
beule / vnd halte der hennen / bis weilen den  
schnabel zu / vnd lasse sie als denn widder  
lufft holen / Vnd wenn eine stirbet / so nim  
eine andere / also auch die dritte / solches sol  
man offte thun / bis keine mehr stirbet.

Etliche setzen Egeln darauff / vnd las-  
sen sie ein weil saugen / welches warlich  
auch ein feiner / vnd guter brauch ist. Oder  
nime so balde dir der beule auffgefahren ist /  
einen eyrs totter / vnd vermenge in wol mit  
saltze / vnd lege es darauff / dieses sol man  
offt thun / vnd wider vernewern. Oder le-  
ge die pflaster vber / welches auch eine ver-  
suchte / vnd bewerte ertzney ist. Nim zwei  
zwiffel / schneide inen die köpffe herab / höl-  
lere sie aus als einer haselnuss gros vñ weit /  
vnd fülle darein guten Thiriacks / thue die  
köpffe wider darauff / setze sie in eine heisse  
aschen / vnd lasse die zwiffeln wol praten /  
darnach wenn sie weich worden sind / zer-  
stosse sie / vnd lege es warm auff das aposte-  
ma.

Vnd auff das die armen Leute / in der  
eile nicht viel mühe haben dürffen / habe ich  
auch ein sonderlich gut pflaster / in die Apos-  
tecken



tecken verordnet/ Desselbigen sollen sie las-  
ssen holen/ vnd auff die peule legen/ Denn  
solch pflaster zeuhet die giffit mechtig zu  
sich/ weichet vnd maturirt. Vnd wenn nu  
das Apostema beginnet weich/ oder reiffe  
zu werden/ sol man es balde öffnen/ vnd  
nicht harren/ bis es gar reiffe wird. Vnd  
alhie wil ich geraten haben/ dieweil die A-  
postema/ oder peulen mancherley sind/ vnd  
deshalben auch mancherley ertzney erfor-  
dern/ das man einen geschickten Wund-  
arzt zu sich fordere/ der das Apostema öff-  
ne/ vnd ein zeitlang offen halten/ reinige/  
vnd endelich/ wie siehs gebürt/ vnd die sa-  
che erfordert/ heile.

Also viel wil ich in der eile/ anff dis mal  
wie man sich in diesen fellen/ wenn diese er-  
schreckliche plage regirt/ halten sol/ einem  
Erbarn/ vnd Wolweisen Radt/ dieser Chur-  
fürlichen Stadt Torgaw/ meinen gros-  
sünstigen/ lieben Herrn/ vnd irer gantzen  
Gemein/ mit geteilet haben/ vnd bin tröstli-  
cher zuversicht/ das vielen mit Gottes hülfte  
wo sie sich also halten werden/ vnd der  
Francken auch auff die weisse (wie gelert)  
gepfleget wird/ jr leben also dadurch gefrie-  
het werden.

Denn Gott der almechtige sonst nichts  
hie auff Erden gelassen hat/ denn ein solch  
mittel/

mittel/ dadurch vns armen Menschen/ hül-  
ffe vnd Trost in solcher not/ geschehen sol/  
Darumb ich nicht zweiffel/ Wo jemand in  
der zeit/ sich zu Gott mit ernst bekeren wird/  
sein leben bessern/ vnd Gott für augen has-  
ben/ der wird ja durch solch mittel gnedig-  
lich erretten.

Gleich wie es geschach mit dem König  
Distsias/ welchem auch schon ein Aposte-  
ma/ oder beule auffgefahren war/ vnd todt  
franc lag/ dem auch der D L R R hatte  
ansagen lassen/ wie das er des lagers ster-  
ben solt/ Aber der König kerete sich zu der  
wandt/ vnd weinet bitterlich/ ruffete Gott  
mit grossem ernst an/ vnd bat vmb Gnade/  
wie die Schrift Esaie am 38. Cap. saget/  
Vnd Gott der D L R R erbarmete sich sein/  
erhörete sein bitte/ vnd vergabe jm seine sün-  
de/ Vnd der Prophet befahl/ man solt ein  
pflaster von feigen machen/ vnd jm vber das  
Apostema legen/ vnd ward also der König  
dadurch wider gesund. Vnd ich bitte nu-  
entlich jederman freundlich/ das er also  
mein schreiben/ vnd meine trewe  
vnterrichtunge in diesem fall/  
wolte für liebe/ vnd zu  
dancck annemen.

Finis.



**Die Summa dieser stücke /**  
die man alhe zu Torgaw / in der Apotecken  
für die erschrecklichen plage der Pestilenz / mit vleis verordnet vnd zugerichtet / findet.

- 1 Ein Reuch puluer für arme Leute.
- 2 Ein Reuch puluer / für die Reichen.
- 3 Gute Reuch Kertzin.
- 4 Gute wolriechende Opffel / die man Poma Ambrae nennet.
- 5 Etliche mund Pillichen / oder Ruchlin / für die böse Luft.
- 6 Pestilentz Pillichen / mit vleis zugericht.
- 7 Ein köstlich Puluer / für die Pestilentz.
- 8 Ein bewerte vnd edle Latwergen / für diese fenehe.
- 9 Ein guter / Venedischer Thiriack.
- 10 Ein Meridat.
- 11 Das Electuarium / Diacrocum genandt.

v-fo la

- 12 Unfern Thiriack / den wir verordnet  
haben.
- 13 Ein seer gute Catwergen / für die Pes  
silentz/ für die Armen.
- 14 Einen Thiriack / den man zu Leiptzig  
zugerichtet hat.
- 15 Ein sonderliche gute Catwergen / das  
mit man den schweis fördert / vnd die  
giffte vom hertzen treibet.
- 16 Dertz wasser.
- 17 Das Electuarium/ Librantis.
- 18 Leticia Galeni / Vnd sonst viel guter  
Dertz labunge / die man stets pfleget  
in den Apoteccken zu halten.
- 19 Ein Pfalster auff die peulen zu legen.  
Alles mit vleis zugericht.

Getruckt zu Wittenberg/  
durch Joseph Klug.  
M. D. XXXX.



SA2 sacerdotale sit confect<sup>2</sup> R<sup>o</sup> flores  
mixti Cinnamon Cinnamon Piper  
Zitron<sup>2</sup> 1 mixtura<sup>2</sup> Contingat<sup>2</sup> q<sup>uod</sup>libet se  
orsim de uno tantum sunt de reliquo  
Et de sale semp<sup>er</sup> in duplo plusq<sup>ue</sup> de alijs sp  
cijs mixtura<sup>2</sup> tunc in simul Et sic  
habetur Sal sacerdotale p

Das du dirh Kunst des vnauses  
beherrhen

Nym eyn kechs anze Lusts & trinks  
Oder piter solge samen von Bier angeten  
Oder nessel samen

Extrappe aus den Gimblych  
Nur dai de Metri hbelly folio 24



*Embe Petroselinum in cyet K. hly. fletke*

*Vide vgm Bierbreven libellu 1.6.  
ibi unde commendat<sup>2</sup> if<sup>2</sup> herba  
emphasa potus Angelica Bier  
et q<sup>ue</sup> sequuntur*

*Cum primum in dextro latere cubandum  
ne sciret ne hiet os ventriculi Vide libel  
lum de Anima*

*Proverbialia Dictiona Hoetenij tradunt  
regulas de tre du Valentin ibi q<sup>ue</sup> Med*



ACCESSION NUMBER

66306

PRESS MARK

2035

*ba  
die eppel marker windt  
Halee modic*

*duaha Diction  
Ibide alia ex ge*



